

**Budayakan Amalan Membaca Untuk Lahirkan Masyarakat Kreatif  
Bernama  
April 30, 2012**

KUALA KANGSAR, 30 April (Bernama) -- Usaha membudayakan amalan membaca dapat melahirkan masyarakat yang kreatif dalam memenuhi sektor-sektor negara yang masih kurang dengan modal insan, kata Ketua Pengarah Perpustakaan Negara Malaysia (PNM) Datuk Raslin Abu Bakar.

Beliau berkata amalan membaca yang berterusan merupakan proses pembelajaran sepanjang hayat yang dapat menyumbang ke arah pembentukan individu yang lebih jitu dari segi pemikirannya sekaligus mampu melahirkan pemikiran yang luas dalam membantu pembangunan negara.

"Semakin meningkat usia individu semakin banyak ilmu pengetahuan yang telah ditimba. Dari situ individu boleh melahirkan pemikiran yang lebih kreatif dan inovatif," katanya kepada pemberita pada majlis pelancaran Program Baca@Sayong dan dua Bank Buku sempena Hari Buku dan Hak Cipta Sedunia 2012 di sini pada Isnin.

Program itu dirasmikan oleh Pengerusi Jawatankuasa Pelajaran Pengajian Tinggi, ICT, Sumber Manusia, Sains dan Teknologi negeri Datuk Mohamad Zahir Abdul Khalid yang mewakili Menteri Besar Datuk Seri Dr Zambry Abd Kadir. Turut hadir Rektor Kolej Islam Darul Ridzuan (KISDAR) Prof Dr Jamil Hashim.

Ini juga dapat diterjemahkan dengan wujudnya Bank Buku sebagai inisiatif kerajaan untuk mengalakkan masyarakat menjadikan amalan membaca sebagai amalan yang berterusan.

-- BERNAMA

© 2012 BERNAMA.

Source: <http://www.bernama.com/bernama/v6/bm/newsindex.php?id=662859>